

Qimmit uumasogatigiit erseqqinnerusumik suussusersillugit avatangiisinut navianartorsiortitsisinnaasutut nalilerneqarsinnaasut eqqunneqarnissaannut kinguaassioqatigiinnissaannut inerteqqusiinissamut Naalakkersuisut suliniuteqaqqullugit peqqunneqarnissaannut aalajangiinissamut siunnersuut.

pillugu

Inuussutissarsiornermut Ataatsimiititaliamit

ISUMALIUTISSIISSUTAA

Siunnersuutip aappassaaneerneqarnerani saqqummiunneqartoq

Inuussutissarsiornermut Ataatsimiititaliaq kingullermik suliarinninnermini ukuninnga inuttaqarpoq:

Inatsisartunut ilaasorta, Aqqaluaq B. Egede, Inuit Ataqatigiit, siulittaasoq
Inatsisartunut ilaasorta Niels Thomsen, Demokraatit, siulittaasup tullia
Inatsisartunut ilaasorta Naaja Nathanielsen, Inuit Ataqatigiit
Inatsisartunut ilaasorta Kim Kielsen, Siumut
Inatsisartunut ilaasorta Akitsinnguaq Olsen, Siumut

Siullermeerinerup kingorna UPA10-mi siunnersuutigineqartoq ataatsimiititaliamit misissorneqarpoq. Tamanna tunngavigalugu Inatsisartut aalajangiinissamut tunngavissaat pitsanngorsarniarlugu Inuussutissarsiornermut Ataatsimiititaliaq isumaliutissiissummik saqqummiussaqaarpoq. Siunnersuutip piviusunngortinneqarnissaanut Naalakkersuisut akissuteqaamminni itigartitsinngitsut aallarniutigalugu ataatsimiititaliamit maluginiarneqarpoq.

1. Siunnersuutip imarisaa siunertaalu

Inuit qimminik uumasogatigiinnik avatangiisiminnut uloriartarsiortitsisinnaasutut nalilerneqartunik eqquussuisinnaanermut, pigisaqarsinnaanermut kinguaassioqatigiinnik inerteqquteqalernissamut Naalakkersuisut inatsisiliornissaat siunnersuuteqartut siunnersuutikkut matumuunakkut kissaatigaat. Taamatuttaaq qimminik uumasogatigiinnik taakkuninnga qimminik allanik kinguaassioqatigiinnik inerteqquteqarnermut ilaavoq. Taamatuttaaq qimmeqatigiit eqqartorneqartut nukittuutut unammisittakkatullu ilisimaneqarput. Qimmeqatigiit suut pineqarnersut allattorsimaffiat siunnersuuteqartup aalajangiiffigisassatut siunnersuutaanut ilanngussatut ilanngunneqarpoq. Allattuiffik taanna isumaliutissiissummut matumunnga ilanngussatut ilanngunneqarpoq.

2. Siunnersuut Inatsisartunit suliarineqarnera

UPA10-mi siullermeerinermi siunnersuut Inatsisartuni partiinit amerlanerussuteqartunit tapersersorneqarpoq. Siumut kisimi pinnani. Qimmiuteqarnek qitsuuteqarnerlu pillugit Inatsisartut inatsisaannut atuuttumut nr. 18, 30. oktober 1998-imeersumut allannguutissatut siunnersuummi, qimminik uumasoaqatigiinnik aalajangersimasunik eqqussuineq kinguaassioortitsineq il.il. ilanngunneqarnissaa pillugu Naalakkersuisut UKA10-mut saqqummiussaqaarnissaat naatsorsuutigalugu oqaaseqartut arlaqartut oqaatigigaat ataatsimiititaliap maluginiarpaa. Taamatut naatsorsuuteqarnek akissuteqaammi erseqqarluttumik naggaserneqarsimaneranik aallaaveqarsimasinnaanera ataatsimiititaliaq naliliivoq. Oqaaseqatigiit uku ilanngunneqarput:

Tamatuma saniatigut aalajangiiffigisassatut siunnersuut Naalakkersuisunit pitsaasutut isumaqarfigineqarpoq, naatsorsuutigaaralu qimmiuteqarnek qitsuuteqarnerlu pillugit Inatsisartut inatsisaannut atuuttumut nr. 18, 30. oktober 1998-imeersumut allannguutissatut siunnersuut ukiamut ataatsimiinnissamut piareersimassasoq.

Siunnersuut UPA10-mi siullermeerneqarnerani akissuteqaataasimasumi erseqqarinngilaq qimmiuteqarnek qitsuuteqarnerlu pillugit Inatsisartut inatsisaannut atuuttumut nr. 18, 30. oktober 1998-imeersumut allannguutissatut siunnersuummut matumunnga qanoq ilanngunneqartariaqaraluarnera Naalakkersuisut piviusorsioortumik qanoq isumaqarnerisut ersarluppoq. Pineqartumut inatsit nutaaq Folketingimit akuersissutigineqarnissaa aalajangersimasumik alloriartoqannginnerani Naalakkersuisut kissaatigigaat akissuteqaammi ilaatigut paasinarsivoq.

Qimmiuteqarnek qitsuuteqarnerlu pillugit Inatsisartut inatsisaannut atuuttumut nr. 18, 30. oktober 1998-imeersumut allannguutissatut siunnersuummi UKA10-mi suliarineqartussanngorlugu Naalakkersuisut nassiusaanni takuneqarsinnaavoq, allannguutissatut siunnersuut taanna qimminik uumasoaqatigiinnik aalajangersimasunik inerteqquteqalernissaq pillugu aalajangersakkamik imaqanngitsoq. Imm. 71 pillugu ataatsimiititaliap isumaliutissiissummini allannguutissatut siunnersuut una suliaraa, isumaliutissiissullu taanna Inatsisartunut ilaasortanut innersuussutigalugu. Siunnersuutip UPA10-mi siullermeerneqarnerani oqaaseqartartut saqqummiussaata isumaliutissiissummut matumunnga ilanngussatut ilanngunneqarput.

3. Siunnersuummik ataatsimiititaliap suliarinninnera

Aalajangiiffigisassatut siunnersuut una pineqartoq eqqarsaatigalugu qimmit uumasoaqatigiit siunnersuuteqartup nalunaarsorsimasai qimmeqatigiupput inuit ajoqusernerinik kinguneqartumik kiisinernut akuusarsimasut. Qimmit pillugit inatsisip uumasunillu illersuineq pillugu inatsisip allanngortinneqarnissaat pillugu inatsisissatut siunnersuut ulloq 4. juni 2010-mi Folketingip akuersissutigaa. Qimmit uumasoaqatigiit assigiinnigitsut 13-t siunnersuuteqartup taamatuttaaq inerteqqutigineqarnissaannik kissaatigisaanik pigisaqaarnissamut kinguaassioortitsinissamullu inerteqquteqarnissaq inatsisissatut siunnersuutip matuma nassatarissavaa. Taamaattoq qimmit uumasoaqatigiit pineqartut nungukkiartuaarnissaat eqqarsaatigalugu piginnittunut kinguaassioortitsisartunullu qajassuartumik periuseqarnissaq danskit inatsisaanni ikaarsaariarnissamut aalajangersakkanik

arlalinnik atuutilersitsisoqarpoq. Nunatsinni inatsimmik assingusumik eqqussisoqarnissaa tunngaviatigut aalajangiisuumik ajoqutissartaqanngitsoq ataatsimiititaliaq isumaqarpoq. Qimmeqatigiit nunatsinni kinguaasiortinneqanngimmata taamaattumillu Danmarkimi nunaniluunniit allani pisiarineqartarmata nunarput eqqarsaatigalugu qimminik unammisartunik nukittuunillu ajornartorsiuteqarneq killeqangaatsiartoq ataatsimiititaliaq naliliivoq. Qimmeqatigiinnut taakkununga inerteqquteqalernissaq eqqarsaatigalugu pinaveersaartitsisoqarsinnaanera akornutaasariaqanngilaq, taamaalilluni ajornartorsiutinik takkuttoqannginniassamat. Qimmeqatigiit pineqartut Danmarkimi ajornartorsiutigineqarlutillu misilittagarineqartut assingunik misigisaqarnissaq tunngavissaqanngilaq.

Inerteqquteqarnerup qaqugu atuutilersinneqarnissaanik kissaatigineqartup aalajangiiffigisassatut siunnersuummi taasissutiginnissaanut piffissaliisoqarsimanngitsoq siunnersuummik matuminnga ataatsimiititaliap suliarinninnermini maluginiarpa. Taamaattumik teknikkikkut tunngasuni amigaataasunik annikitsunik iluarsiiisuteqarnissamat aalajangiiffigisassatut siunnersuummut allannguutissatut siunnersuummik ima oqaasertaqartumik siunnersuuteqartoqassasoq ataatsimiititaliaq isumaqarpoq:

Qimmit uumasogatigiit erseqqinnerusumik suussusersillugit avatangiisinut navianartorsiortitsisinnaasutut nalilerneqarsinnaasut eqqunneqarnissaannut kinguaasiortinneqarnissaannullu kiisalu qimmeqatigiit tamakku qimminik allanik kinguaassioqatigiinnissaannut inerteqqusiinissamat Naalakkersuisut suliniuteqaqqullugit peqquneqarnissaannut aalajangiinissamat siunnersuut. Siunnersuut una UPA11-imi saqqummiunneqassaaq.

4. Siunnersuutip aningaasatigut kingunerisassai

Siunnersuutip aningaasatigut qanoq kinguneqassanersoq ataatsimiititaliap isumaliutersuutigaa. Siunnersuut innuttaasunut annerusumik aningaasatigut kinguneqarnaviannitsoq ataatsimiititaliaq naliliivoq, tassa innuttaasut qimmeqatigiinnik pineqartunik kinguaasiortitsisartut kisimik niuerunnaarunik aningaasatigut toqqaannartumik annaasaqarnissartik ilimagisinnaammassuk. Ataatsimiititaliap ilisimasai naaportorlugit nunatsinni qimmeqatigiinnik pineqartunik kinguaasiortitsisoqanngilaq. Allannguutissatut siunnersuut ataatsimiititaliamit akuersissutigineqassappat inatsisissatut siunnersuusiortoqarnissaa tusarniaassutigineqarnissaa nutserneqarnissaa il.il. pissutigalugu allaffissornikkut aningaasartuuteqarnissamik kinguneqassaaq. Inatsisartut suliniutaat allat Naalakkersuisunut suliakkiissutigineqartut assigalugit suliaq una salliutinneqassaaq. AC ukiumut suliarisinnaasat 500.000 kr.-t 2/3-ii tassa inatsisissatut siunnersuut una piviusunngortinneqassappat 300.000 kr.-t missaat atorneqassasut nalilerneqarpoq. Naalakkersuisoqarfiup aningaasat atugassaasa iluini aningaasat taakku pingaarnersiorneqartariaqassapput.

5. Ataatsimiititaliap inassuteqaataa

Ataatsimiititaliami amerlanerussuteqartut Inuit Ataqtatigiinneersut Demokraatineersullu siunnersuut akuersissutigineqassasoq inassutigaa.


Ataatsimiititaliami ikinnerussuteqartut Siumumeersut taamatuttaaq siunnersuut akuersissutigineqassasq inassutigaat siunnersuullu pillugu ima oqaaseqateqassallutik: Qimuttunik pigisaqarneq qimmiuteqarneq qitsuuteqarnerlu pillugit Inatsisartut inatsisaata allangortinneqarnissaa pillugu Inatsisartut inatsisissaattut Naalakkersuisut siunnersuutissaanni qimminik unammisinneqartartunik inerteqquteqarneq pillugu aalajangersakkamik ilanngussisoqartariaqaraluarnernik oqaaseqartartunit arlalinnit kissaatigineqartoq siunnersuutip UPA10-imi siullermeerneqarnerani Naalakkersuisunit maluginiarneqarsimanginnerujussuaq uggornartuusoq Siumut isumaqarpoq. Tamanna ilisimaneqareersutut pisimangilaq. Pinaveersaartitsineq eqqarsaatigalugu aalajangiiffigisassatut siunnersuut aammattaaq Siumumit taparserneqarsinnaavoq, taamaaliornikkut qimmit unammisinneqartartut qimmillu nukittuut nunatsinnut atatillugu ajornartorsiutinik pilersitsinnginniassammata.

Taama oqaaseqarluni isumaliutissiisummilu oqaatigineqartut paasilluarlugit siunnersuut Inuussutissarsiornermut Ataatsimiititaliap aappassaaniigassanngortippaa.




Aqqaluq B. Egede

Siulittaasoq




Niels Thomsen


Siulittaasup tullia



Naaja Nathanielsen



Kim Kielsen



Akitsinnguaq Olsen



22. oktober 2010

FM 2010/47

Michael Rosing

Qimmit aalajangersimasut, avatangiisiminnut ulorianarsinnaasutut nalilernerqartut eqqunneqartarnerisa kinguaassiorsinnaanerisalu inerteqqutigineqarnissaat kiisalu qimmit taakku qimminik assiginngisaminnik ernioqateqarsinnaanerisa pinaveersimatinnissaat anguniarlugu Naalakkersuisut suliniuteqarnissamut peqquneqarnissaannut Inatsisartuni aalajangiiffigisassatut siunnersuut.

(Inatsisartunut ilaasortaq Justus Hansen, Demokraatit)

(Siullermeernera)

Demokraatit partiiuvoq qilersorsimannngitsumik isummersoriaasilik, taamaattumik inatsisit suulluunniit inuit ataasiakkaat pisinnaatitaaffinnik killilersuisut uangut isumarput naapertorlugu, nalilersorneqartuartariaqarput ilumut tamanut iluaqutissartaqarnersut. Maannakkut ataatsimiinnerup ingerlanerani pujortartarneq pillugu inatsit nutaaq taasissutigigatsigu, oqarpugut inuit ataasiakkaat pujortarnissaminnut periarfissaat killilingaatsiarneqaraluartut, avatangiisit pujortannngikaluarlutik peqqissutsimikkut innarlerneqarsinnaanerit taamatullu inuiaqatigiit peqqissuunissaat pingaarnerusariaqartoq.

Matumani isumaqarpugut inuit ataasiakkaat pisinnaatitaaffinut naleqqiullugu kikkut tamarmik ataqpineqarnissaat pingaarnerusariaqartoq. Isumaqarpugulli, qimminik pineqartunik inuit uumasuutissaminnik tikisitsisimasut imaaliiallaannaq arsaarneqarsinnaanngitsut. Taamaattumik siunnersuutigerusupparput, siunissami qimmit bilagimi taaneqartut eqqunneqarsinnaanissaat inerteqqutaalissasoq kisiannili qimmit pineqartut pigineqareersut pigiinnarneqassasut utoqqalillutik allamilluunniit pissuteqarlutik toqunissaat tikillugu.

Kissaatingaarpulli, qulakkeerneqassasoq qimmit pineqartut kinguaassiorsinnaajunnaarsinneqarnissaat kiisalu qimmit pineqartut tasikumiarlugit taamaallaat angallanneqartassasut. Aamma inuit angallaffiini aneerunneqarpata issaruteqartinneqassapput. Aamma isumaqarpugut, qimmit qanorittuugaluartulluunniit inunnik kiisippata toqunneqartassasut.

Taamatut oqaaseqarluta siunnersuutip matuma ataatsimiititaliamit susassaqartumit oqaluuserineqarnissaa kissaatigaarput.

INUIT ATAQATIGIIT

INATSISARTUNI



UPA 2010/47.1
26. april 2010
Hans Aronsen

Qimmit uumasogatigiit erseqqissumik suussusersillugit avatangiisinut navianar-torsiortitsisinnaasutut nalilernerqarsinnaasut eqqunneqarnissaannut kinguaasi-ortinneqarnissaannullu kiisalu qimmeqatigiit tamakku qimminik allanik kingu-aassioqatigiinnissaannut inerteqqusiinissamut Naalakkersuisut suliniuteqaq-qullugit peqquneqarnissaannut aalajagiiffigisassatut siunnersuut
(Inatsisartunut ilaasortaq Justus Hansen, Demokraatit)

Nunarput sineriattooq aamma uumassusilittigut immikkuullarissunik nunap nammineq qangarsuaaniilli uumasuiinik immikkut ilisarnaateqarpoq. Taakkununga ilaavoq kalallit qimmiat. Taassuma saniatigut nunasisut siulliit nunaateqarneq pissutigalugu aammalu pisariaqartitsineq aallaavigalungu qimminik nunaseqateqartut. Tamannalu maanamut ingerlaavarpoq, allaat ilaqutariit nuannaralugu qimmiuteqartarnerat tikilluaqqusaalluni, inatsisitigullu malittassaqaarnikkut ilanngunneqarsimalluni.

Inatsisartunut ilaasortap Demokraatineersup Justus Hansen-ip Naalakkersuisut suliniuteqaqqullugit peqquneqarnissaannut siunnersuuteqarnermini tunngavilersuutai Inuit Ataqatigiinniit arlaqartutigit soqutiginarartoqartippagut.

Siunnersuuteqartup siunnersuummini danskit naalakkersuisuisa qimminut tunngatillugu maanna suliatut ingerlassaanut pingaartitsinera ersarippoq. Taamalillunilu siunnersuuteqartup nunatsinni qimminut pineqartunut inuiaqatigiit arlaatigut ajornartorsiummik eqqugaaginnerini politikkikkut sillimmartaarnissaq qulakkeerniarpaa.

Inuit Ataqatigiinniit pingaartitaraarput avataaniik eqqussukkatta pisariaqartitsineq naapertorlugu inatsisitigut pisussaaffiisa nalililersortuarnissaat. Taamatuttaaq matunani siunnersuut qimerloorluareerlugu imatut isummersorfigissavarput.

Inatsisartut inatsisaat nr. 18, 30. oktober 1998-meersumi § 13 naapertorlugu kommunit qimminut qitsunnullu ileqqoreequsaliortussaapput. Assersuutitut taasinnaavarput Kujataani saavateqarnermik tunngaveqarluni savat qimmii pillugit, kommundiusimasut kingornalu Kommuni Kujalleq pilermat naleqqussarneqartumik, sakkortuumik savat qimmiisa silatussisiisa innarlerneqannginnissaat pillugu ileqqoreqqusaqarput. Naak siunnersuut ileqqoreqqusaliornikkut periarfisaalluaraluartoq, nunatsinnut tamakkiisumik atuuttussamik inerteqquteqalernissamik suliakkiissut taperserparput.

Ataatsimiititaliap susassaqtup suliamik sammininnermini danskit inerteqquteqaler-nissaminni inatsisissaata arlaatigut nunatsinnut iluaqutaasinnaanera, kiisalu nunatsinni qimmit Danmarkimi inerteqqutaareersut qanoq amerlatigineri qanorlu akulerutigisimani pillugit misissuinnermini ilanngutissagaat kissaatiginarpoq. Kiisalu inatsimmi § 10 malillu-gu kiisortunik qimmeqarnermut inerteqqut aammalu imm. 2, qimmit inunnik uumasogatinillu saassusillutillu toqutsisimasut piaartumik toqunneqartarnissaannut inatsisip qimminut pineqartunut periarfissaannginnersut ataatsimiititaliap misissussagaa kisaatiginarpoq. Inatsimmi § 10-mut tunngatillugu misissueqqusinerput tunngaveqarpoq toquttigasuartarneq Danmarkimi periarfissaammatt piumasaqaataanilu, taamaalilluni Kalaallit Nunaani inatsisip atuuttup sakkortunerunera malunginartariaqarluni.

Naalakkersuisut Inatsisartut ukiamut ataatsimiinnissannut qimmit qimuttut kiisalu qimmiuteqarneq qitsuuteqarnerlu pillugit Inatsisartut inatsisaannut allannguutissatut siunnersuummik saqqummiussiniarnerat malugniarparputtaaq.

Taamatut oqaaseqarluta siunnersuut Inuussutissarsiornermut Ataatsimiititaliami suliarineqqaassasoq inassutigaarput.



Kattusseqatigiit Partiiat

26 april 2010
Jakob Skade

UPA 2010/47-01

Qimmit aalangersimasut, avatangiisiminnut ulorianarsinnaasutut nalilernerqartut eqqunneqartarnerisa kinguaassiorsinnaanerisalu inerteqqutineqarnissaat kiisalu qimmit taakku qimminik assignngisaminnik ernioqateqarsinnaanerisa pinaveersimatinnissaat anguniarlugu Naalackersuisut suliniuteqarnissamut peqquneqarnissaannut Inatsisartuni aalajangiiffigisassatut siunnersuut.

Justus Hansen-ip Demokraatineersup siunnersuutaanut imaattumik naattumik oqaaseqarfingissuara.

Siunnersuut paasilluarlungu, tunngavilersuutingineqartut isumaqatingaangut, tassami nunatsinni innuttaasut akornanni qimmit aalangersimasut qaasuttutut taaneqarsinnaasut pingineqartarnerisa inatsisitingut inerteqqutaalernissaa pisariaqartutut Kattusseqatigiit Partiiianiit isumaqarfingaangut.

Taamaattumik Naalackersuisut akissuteqaamminni inatisissamik allannguummik ukiaanerani ataatsimiinnissamut saqqummiussinissaat taperserparput.



26. april 2010

UPA2010/47

Qimmit aalajangersimasut, avatangiisiminnut ulorianarsinnaasutut nalilerneqartut eqqunneqartarnerisa kinguaassiorsinnaanerisalu inerteqqutineqarnissaat kiisalu qimmit taakku qimminik assiginngisaminnik ernioqateqarsinnaanerisa pinaveersimatinnissaat anguniarlugu Naalakkersuisut suliniuteqarnissamut peqquneqarnissaannut Inatsisartuni aalajangiiffigisassatut siunnersuut.

(Inatsisartunut ilaasortaq Justus Hansen, Demokraatit)

Siullermeenera:

Inatsisartunut ilaasortaq Justus Hansen-ip Demokraatit sinnerlugit qulequttamut naalakkersuisut suliniuteqarnissamut peqquneqarnissaanik inatsisartuni aalajangiiffigisassatut siunnersuutaanut Siumut-mit imatut oqaaseqassaagut,

Siunnersuuteqartup siunnersuumminut tunngavilersuutai qimmit aalajangersimasut avatangiisiminnut ulorianarsinnaasutut nalilerneqartut eqqunneqartarnerisa kinguaassiorsinnaanerisalu inerteqqutigineqarnissaat avatangiisiminnut ulorianartorsiortitsinninnissaat anguniarlugu siunnersuuteqarnerat siumumit paasilluarparput aammalu siunnersuuteqarnikkut ajornartorsiutaalersinnaasut pinngitsoortinnissaat anguniarmassuk paasilluarlugu.

Siunnersuuteqartut saqqummiussaminni oqarnerattut, ullumikkut inatsisit atuuttut qimminut qimuttunut qitsuuteqarnermullu atuuttut iluarisimaarmassuk isumaqatigaavut, tamatumani aamma kommunalbestyrelse-it inatsit atuuttoq malillugu sulisukanganerumik ileqqoreqqusaliorsinnaanerit piginnaatitaaffiliunneqarsimammat taamaaliornikkut inuit avatangiisillu illersorneqarnissaa anguneqarluni taamaattorli tassa inatsit atuuttoq qimminut qimuttunut aammalu qitsunnut tunngasuvoq.

Taamaattoq aamma naalakkersuisut akissuteqaataanni paasivarput naalakkersuisut, arajutsisimannikkaat akissuteqaammimi paasinarmat naalakkersuisut inatsisartut inatsisaanut atuuttumut inatsit.nr.18 30 oktober 1998-meersumut allannguutissatut ukiaanerani inatsisartunut saqqummiussilersaartut aalajangiiffigisassatut siunnersuutigineqartumut inatsimmut allannguutissamik

taamaatumik naalakkersuisut peqquneqarnissaanut inatsisartuni aalajangiiffigisassatut siunnersuut Siumut-mi ilalinngilarput.

Naalakkersuisullu qimmit qimuttut kiisalu qimmeqarneq qitsuuteqarnerlu pillugit inatsisartut inatsisaanut nr.18,30 oktober 1998-meersumut allannguutissamik inatsisartut ukiaanerani ataatsimiinnermi allannguutissamik siunnersuuteqarnissaat qilanaarlugu utaqqissavarput.

Taamatut Siumut-mit oqaaseqarluta naalakkersuisut suliniuteqarnissamut peqquneqarnissaanut inatsisartuni aalajangiiffigisassatut siunnersuut ilalinngilarput.

Jens Immanuelson



SIUMUT INATSISARTUNI ILAASORTAATITAT / LANDSTINGSGRUPPEN

Siumut

inatsisaannut nr. 18. 30. oktober 1998-imeersumut allannguutissatut siunnersuut
suliarineqarnissaanut ukiamut una aappassaaneerneqarnissaa ATASSUT-mit taperserparput.



ATASSUT

UPA 2010/47-1

Siverth K. Heilmann

26.04.2010

Qimmit aalajangersimasut, avatangiisiminnut ulorianarsinnaasutut nalilerneqartut eqqunneqartarnerisa kinguaassiorsinnaanerisalu inerteqqutineqarnissaat kiisalu qimmit taakku qimminik assiginngisaminnik ernioqateqarsinnaanerisa pinaveersimatinnissaat anguniarlugu Naalakkersuisut suliniuteqarnissamut peqquneqarnissaannut Inatsisartuni aalajangiiffigisassatut siunnersuut.

(Inatsisartunut ilaasortaq Justus Hansen, Demokraatit)

Demokraatit sinnerlugit Inatsisartunut ilaasortaq Justus Hansen matumani , qimmit uumasogatigiit erseqqinnerusumik suussusersillugit avatangiisinut navianartorsiortitsisinnaasutut nalilerneqarsinnaasut eqqunneqarnissaannut kinguaassioortineqarnissaaannullu kiisalu qimmeqatigiit tamakku qimminik allanik kinguaassioqatigiinnissaannut inerteqqusiinissamut Naalakkersuisut suliniuteqaqqullugit peqquneqarnissaannut aalajangiinissamut siunnersuuteqarpoq.

ATASSUT-miit maluginiarparput siunnersuuteqartup tunngavilersornermini nunani allani qimmit uvagut pigisatsinniik allaanerulluinnartut Nunatsinnut siunissami eqqunneqarsinnaaneri upalungaarfiginiarlugu inerteqquteqalersitsinissaq anguniaraa. Tunngavilersuutigineqartut siunissami ajornartorsiutinngorsinnaanera aarleqqutigineqarsinnaammat ATASSUT-mit siunnersuummut ilaliinerput matumuuna nalunaarutigaarput.

Siunnersuutip saqqummiunneqarnerata nalaani inuit nunatsinni qimminik eqqartorneqartunik inerteqquteqarnermut ilaasunik pigisaqartut suli pigiinnarallarsinnaagaat, tunineqaqqusaannginnerinik tunniunneqaqqusaannginnerinillu Naalakkersuisut ersarissaateqarneri ATASSUT-mit isumaqatigilluinnarparput.

Siunnersuut peqqissaarullugu ataatsimiititaliami suliarineqarnissaa pingaaruteqarpoq, taamaattumillu qimmit qimuttut kiisalu qimmiuteqarneq qitsuuteqarnerlu pillugit Inatsisartut



ILANNGUSSAQ:

- Fila brasileiro
- Dogo argentino
- Amerikansk staffordshire terrier
- Boerboel
- Kangal
- Centralasiatisk ovtcharka
- Kaukasisk ovtcharka
- Sydrussisk ovtcharka
- Tornjak
- Sarplaninac
- Staffordshire bull terrier
- Amerikansk bulldog